

Messieurs
 Bourgeois & Eschevins de la Ville d'Anvers.

Mess^{rs} Je n'ay voulu faillir, vous aduvertir en diligence ce que
 Mons^r de St Aldegonde m'escrivoit de Londres le 22 jour de ce mois
 sur la conclusion du mariage d'entre la Royne d'Angleterre & de son
 Alte^{te} : à sçavoir qu'estant son Alte^{te} le mesme iour au matin ma-
 di vers sa Ma^{te}, elle luy dict, qu'ayant veu sa Constance & sa bonne
 affection vers elle, & mesmes que par deux fois il auroit expose son
 Corps

corps en danger, passant la mer pour venir vers elle, que paraillement
luy neulet demonstret l'amiour que de son costé elle luy portoit, elle
estoit contrainte de l'espouser & le recevoir pour mary, En tes moignage
de quoy elle luy donna au mesme instant un anneau pour ave de
mariage. Or ne doubteat que ces nouvelles ne vous apportent un
grand contentement, & vous seroit tresagèbles, pour le bien, que
nous devons fermement esperer, que ces pays en recevront, Je m'
attens aussy, que vous en ferez la demonstration de joye à ce régime
qui ne pourra sans doute que grandement contenter sa Ma^{te}, Sur
quoy esperant me trouver bien bref pres de vous: ie finray la pre
sente, par mes tresaffectionneses recommandations a voz bonnes gra.
ces, Priant Dieu vous amsir
Messieurs en sa sainte garde & protection. De Gand. ce 27
de Novemb. 1581.

Vostre bien bon amy à vous faire
service
Guillaume de Nassau.